

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-24-000759-6
Bihać, 25.10.2024. godine

Na osnovu člana 25. i člana 70. stav (1) Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku date u Zapisniku broj: 001-0-Su-24-000759-5 od 24.10.2024. godine, u postupku javne nabavke Licenci, po obavještenju sa portala javnih nabavki broj 8581-7-1-95-3-22/24, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli
ugovora

I

Prihvata se preporuka Komisije za javnu nabavku o izboru najpovoljnijeg ponuđača za nabavku Licenci za potrebe Kantonalnog suda u Bihaću i ugovor se dodjeljuje ponuđaču EMADO d.o.o. Sarajevo, za ponudenu cijenu nakon provedene e-aukcije u ukupnoj vrijednosti od 39.960,00 KM bez obračunatog PDV-a, odnosno 46.7532,20 KM sa obračunatim PDV-om, kao najpovoljnijem ponuđaču.

II

Nakon pravosnažnosti ove Odluke prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 70. stav 6. Zakona o javnim nabavkama i objavit će se na web stranici Kantonalnog suda u Bihaću.

O b r a z l o ž e n j e

Postupak javne nabavke Licenci, pokrenut je Odlukom o pokretanju postupka javne nabavke broj: 001-0-Su-24-000759 od 03.10.2024. godine. Javna nabavka provedena je konkurentskim zahtjevom za dostavu ponuda, sa provođenjem e-aukcije u sistemu e-Nabavke. Procijenjena vrijednost nabavke bez PDV-a iznosi: 41.760,00 KM.

Obavještenje o nabavci broj: 8581-7-1-95-3-22/24 objavljeno je na Portalu javnih nabavki dana 03.10.2024. godine a sažetak obavještenja u Službenom glasniku BiH, broj 69/24. Tendersku dokumentaciju, sa Portala javnih nabavki podiglo je 13 potencijalnih ponuđača.

U periodu koji je ostavljen za dostavu ponuda nije bilo postavljenih pitanja, niti žalbi od strane potencijalnih ponuđača na tendersku dokumentaciju.

Komisija za provođenje postupka javne nabavke, imenovana rješenjem broj: 001-0-Su-24-000759-2 od 16.10.2024. godine (u daljem tekstu: Komisija) je dana 21.10.2024. godine izvršila javno otvaranje

ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude. Javnom otvaranju ponuda nije bilo prisutnih predstavnika ponuđača.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: 001-0-Su-24-000759-5 od 22.10. 2024. godine u kome je konstatovala sljedeće:

- da su blagovremeno zaprimljene 4 ponude i to:
 1. EMADO d.o.o. Sarajevo
 2. DIGITARIJA d.o.o. Sarajevo
 3. PRIMAPROM d.o.o. Banja Luka
 4. IMTEK d.o.o. Sarajevo
- da nije bilo neblagovremeno zaprimljenih ponuda;
- da su ponude ponuđača Emado d.o.o. Sarajevo, Digitarija d.o.o. Sarajevo, Primaprom d.o.o. Banja Luka i Imtek d.o.o. Sarajevo prihvatljive, ispravne prema obliku, sadržaju, potpunosti, profesionalnoj i tehničkoj sposobnosti.
- Komisija je izvršila provjeru računske ispravnosti prihvatljivih ponuda i utvrdila da ponuda ponuđača Primaprom d.o.o. Banja Luka ima računsku grešku a odnosi se na popunjeni Obrazac za cijenu ponude-Prilog III i to u stavci 2. Licence za microsoftov Softver Office Home&Busenise 2021&4bit, gdje umjesto ukupne vrijednosti bez PDV-a od 19.906,78 KM treba da stoji 19.906,74 KM i u stavci 3. Licenca za Standard Exchange Cal, Per Device, verzija 2019 gdje umjesto ukupne vrijednosti bez PDV-a od 6.508,43 KM treba da stoji 6.508,60 KM, a samim tim ispravlja se i ukupna cijena bez PDV-a, PDV-e i ukupna cijena sa PDV-om. Komisija je dana 22.10.2024. godine uputila zahtjev ponuđaču za dostavu pismene saglasnosti za ispravku greške.
- Ponuđač Primaprom d.o.o. Banja Luka je svojim aktom djelovodni broj: 03-05-22.10-1/24 od 22.10.2024. godine dao saglasnost za ispravku greške i izmjenu ukupne cijene ponude koja nakon ispravke iznosi 41.444,84 KM, iznos PDV-a iznosi 7.045,62 KM a ukupna cijena sa popustom i PDV-om iznosi 48.490,46 KM.

E-aukcija je zakazana i održana dana 24.10.2024. godine u 12:00 sati i trajala je do 12:10 sati, te je pomoću automatskih metoda ocjenjivanja u informacionom sistemu E-Nabavke, izvršeno rangiranje ponuđača, shodno utvrđenom kriteriju „najniža cijena“, na osnovu kojeg je utvrđena sljedeća konačna rang lista ponuđača koji su učestvovali u E-aukciji:

R/b	Naziv ponuđača	Konačna cijena u KM bez PDV-a	Umanjenje cijene	Rang
1.	EMADO d.o.o. Sarajevo	39.960,00	0%	1
2.	DIGITARIJA d.o.o. Društvo za zavjetovanje i usluge u informatici	41.444,00	0,72%	2
3.	PRIMAPROM d.o.o. Banja Luka	41.444,84	0%	3
4.	IMTEK d.o.o. Sarajevo	41.750,00	0%	4

Nakon završene E-aukcije, Komisija je dostavila Zapisnik o pregledu i ocjeni ponuda u kome je dala preporuku da se ugovor zaključi sa EMADO d.o.o. Sarajevo obzirom da ispunjava sve uslove tražene tenderskom dokumentacijom, te da je njegova ponuda od 39.960,00 KM, ocijenjena kao najpovoljnija ponuda primjenom kriterija najniže cijene.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, za potpisivanje ugovora prihvaćena je ponuda ponuđača EMADO d.o.o. Sarajevo, sa konačnom cijenom postignutoj na e-aukciji od 39.960,00 KM bez obračunatog PDV-a.

Obzirom na naprijed navedeno, u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. EMADO d.o.o. Sarajevo
71000 Sarajevo, Azize Šećirbegović 112
2. DIGITARIJA d.o.o. Sarajevo
71000 Sarajevo, Zmaja od Bosne 14 c
3. PRIMAPROM d.o.o. Banja Luka
78000 Banja Luka, Vidovdanska bb
4. IMTEK d.o.o. Sarajevo
71380 Ilijaš, Stari Ilijaš 201



Predsjednica suda

Fata Nadarević